



Broj: 03-01-04-9503/24
Sarajevo, 08.03.2024. godine

Na osnovu člana 67. stav (3), u vezi sa članom 66. stav (2) i članom 68. stav (3) Zakona o organizaciji organa uprave Federacije Bosne i Hercegovine ("Službene novine Federacije BiH", broj 35/05) ministrica pravde i uprave Kantona Sarajevo donosi

I N S T R U K C I J U
o radu sa strankama u Sektoru za upravu
Ministarstva pravde i uprave Kantona Sarajevo

Član 1.
(Predmet Instrukcije)

Ovom instrukcijom se utvrđuju pravila i upute o načinu obavljanja upravnih i stručnih poslova u Sektoru za upravu Ministarstva pravde i uprave Kantona Sarajevo u radu sa strankama, a vezano za Registar udruženja kod Ministarstva pravde i uprave Kantona Sarajevo (u daljnjem tekstu: Registar).

Član 2.
(Prijem stranaka)

Prijem stranaka vezano za poslove upisa udruženja, upisa promjena u Registar, upisa prestanka rada udruženja i preuzimanja Izvoda iz Registra vrši se svakim radnim danom u vremenu od 13,00 do 15,00 sati.

Izuzetno od stava (1) ovog člana uručenje akata strankama se može vršiti i u drugom vremenskom periodu, isključivo na poziv ovlaštene osobe i uz prethodnu najavu sa recepcije zgrade Vlade Kantona Sarajevo.

Član 3.
(Lica ovlaštena za preuzimanje dokumentacije)

Preuzimanje dokumentacije iz Registra može vršiti samo lice ovlašteno za zastupanje i predstavljanje udruženja ili punomoćnik uz dostavljanje punomoći.

Član 4.
(Stupanje na snagu)

Ova instrukcija stupa na snagu danom donošenja i objaviće se na internet stranici Ministarstva pravde i uprave Kantona Sarajevo.

Stupanjem na snagu ove instrukcije stavlja se van snage Instrukcija broj: 03-03-05-30188/19 od 01.08.2019. godine.

Dostavljeno:

- Stručnoj službi za zajedničke poslove Vlade Kantona Sarajevo - recepcija;
- za objavu na internet stranici Ministarstva;
- u predmet.

